

33345
國醫小叢書之二十八

癆
病
指
南

秦
伯
未
著

上海國醫書局印行

中華民國十九年十月出版

國醫小叢書之二十八

癆病指南

全書一冊定價一角

版權所有 禁止翻印

著者 秦伯未

校正者 秦又安

出版者 上海國醫書局

發行者 上海中醫書局

山東路A字一號
嘉義西門街

代售者 台灣蘭記書局

內科類

百病通論
秦批全生指迷方
秦校筆花醫鑑
重校瘋癆臑膈辨
醫學見能
燥氣總論

秦伯未
王 貺
江筆花
林翼臣
唐容川
陳葆善

鉛印
石印
鉛印
鉛印
石印
鉛印

平裝
本裝
平裝
平裝
本裝
平裝

一冊
一冊
一冊
一冊
一冊
一冊

二角
三角
一角五分
一角
四角
五角五分

六折
六折
六折
六折
六折
六折

外科類

馬評外科全生集
七十四種疔瘡圖說
外科真銓
外科學大綱
藥竅啓秘

王洪緒
葉 氏
鄒五峯
許斗龍
許半龍

鉛印
石印
鉛印
石印
鉛印

平裝
本裝
平裝
本裝
平裝

一冊
一冊
二冊
一冊
一冊

二角
一角
一元四角
五角
七角

六折
六折
六折
六折
六折

針灸傷科類

秦校刺疔捷法
傷科大成

張 鏡
趙竹泉

石印
鉛印

本裝
平裝

一冊
一冊

一角
三角五分

六折
六折

上海中醫書局最近出版醫書

方劑類

膏方大全
怪疾奇方
普濟良方
驗方類編

秦伯未
費伯雄
德軒氏
秦伯未

鉛印
鉛印
鉛印
鉛印

平裝
平裝
平裝
平裝

一冊
一冊
一冊
一冊

三角
三角
二角
二角

六折
六折
六折
六折

診斷類

診斷大綱

秦伯未

鉛印

平裝

一冊

二角

六折

雜書類

歷代醫學之發明
國醫小史
醫學筆塵

王吉民
秦伯未
王肯堂

鉛印
鉛印
鉛印

平裝
平裝
平裝

一冊
一冊
一冊

三角五分
二角
四角

六折
六折
六折

掛圖類

銅人經絡圖
骨度部位圖

每組四張附說明書一冊

赤城醫廬製

彩色石印

一元

七折

雜誌類

中醫世界

秦伯未

主編

每二月一期雙月一日出版

(第一年已出齊)

每期二角

全年一元一角

家庭醫學雜誌

方公溥

每二月一期單月一日出版

每期一角

全年五角 (郵費均六分)

癆病指南

上海秦伯未著

總論

成因

虛勞一症。雖有因感受外邪。纏綿而來。及其既成。無不由於內傷。臟腑故虛。勞病當列於內傷調理門。凡嗜酒傷肺。濕熱熏蒸。則肺消陰燦。好色傷腎。精室空虛。則相火無制。思慮傷心。血液暗耗。則君火易炎。勞倦傷脾。最能生熱。則內伐真陰。怒氣傷肝。鬱勃火熾。則灼血妄行。此五者皆能勞其精血。卽皆能成爲虛勞。蓋精血屬陰。陰虛則內

熱生。道經所謂涕唾精津汗血液。七般靈物總屬陰者是也。然有童子亦患此者。則由於先天稟受之不足。而稟於母氣者尤多。其師尼寡婦室女思慾不遂。氣血鬱結。以致寒熱如瘧。朝涼暮熱。飲食不思。經期不准。或閉絕不行。俗稱爲乾血勞。則由鬱火所蒸而致。

的症

欲治虛勞。須先明何者爲虛勞之的症。凡在腎則腰脊腿脛痠軟。且攸隱而痛。爲骨蒸內熱盜汗。或至夜發熱。爲遍身疼痛。或疼痛如折。爲夢遺滑泄。爲耳中鳴。足心熱。在心則爲驚悸怔忡。爲掌中乾熱。爲虛煩無寐。爲魘夢不寧。爲口苦舌乾。爲口舌糜爛。在肺則爲欬嗽多。

痰。或乾欬少痰。爲胸滿氣逆。或喘或促。爲兩顴紅若朱。爲鼻中氣如火。爲欬血衄血。甚則吐白沫。一邊不能睡。咽痛喉爛。聲嘶音啞。在肝則爲寒熱如瘧。爲頸項瘰癧。爲脇肋作癢作疼。爲兩目或澁或痛。爲頭暈眼花。爲多怒。爲吐血。在脾則爲飲食少思。惡心嘔吐。爲脹滿腹痛。食不消化。爲腸鳴泄瀉。肌肉消瘦。皆五臟虛勞之本症也。

陽虛與陰虛

方書之於虛勞。皆言氣虛血虛。陽虛陰虛。混同立治。是以讀者漫無指歸。不知氣虛者。面目無神。語言輕微。四肢無力。脉來微弱。陽虛者。體冷畏寒。手足逆冷。溺清漉泄。脉沉以遲。可投溫補。故謂虛勞之可

服參芪受補者爲可治。氣虛陽虛之症也。虛勞之不能服參芪。不受補者爲不可治。血虛陰虛之症也。雖血脫有補氣之法。此指卒暴失血。素非血虛之人。如新產證之類。非所論於血因火燥致虛之症。蓋火之所以燥者。水虛無以制之也。故內經曰。一水不能勝五火。五火者五志之火也。一水者腎中真陰之水。卽精也。人生全盛之數。前後止二十餘年耳。故丹溪引日月之盈虧。以爲陽常有餘。陰常不足。王節齋亦以爲陰虛成病十之八九。陽虛成病十之一二。蓋以節慾者少。縱慾者多。人但知縱慾。不過腎虧焉。知陰精日損。飲食無味。轉虛轉勞。脉從內變。色不外華。卽虛勞之根乎。

脉法

虛症宜見虛脉。故虛勞病以脉見浮軟微弱虛數爲順。若兩手俱弦。或左手脉細。右手浮大勁急。俱屬肝旺脾敗。發熱而脈濇小者死。脉結或代亦死。失血症脉每見芤。芤者如按葱管。外實中虛之象。但以緩小者吉。數大者凶。此虛勞脉之大法也。

死候

虛勞不能服參芪。不受補者死。勞嗽音嘎者死。一邊不能睡者死。肺敗之徵也。久瀉及大肉去者死。脾敗之徵也。嗽不止而白血出者死。血竭而津液將盡也。又勞嗽久而咽痛無聲。此爲下傳上。不嗽不疼。

久而溺濁遺精。此爲上傳下。皆死。吐血若欬逆上氣。脉數有熱。不得臥者亦死。死候多端。皆屬因虛而損。因損而極所致也。

治法

宜補腎水

腎之水。受五臟六腑之精而藏之。故五液皆歸于精。而五精皆統于腎。虛勞病每由入房太甚。第一當求補腎。保陰六味左歸之屬。皆甘寒滋水添精之品。補陰以配陽。正所謂壯水之主。以制陽光也。滋其陰則火自降。譬之殘燈。火焰添油則焰光自小也。然須製大劑。長久服之。蓋陰無速補之法。益陰之藥。必無旦夕之效也。若因於酒者。清

金潤榮爲主。而保陰之屬。仍不可廢。何則。好飲之人。不患虛勞者。以腎水不虛。虛則心寡於畏。而復灼久傷之肺焉。得不病。補北方所以瀉南方也。因於思慮者。清心養血爲主。而保陰之屬。亦不可廢。所謂水壯而火熄。弗急急於瀉心是也。因於勞倦者。培補脾陰。佐以保陰。經云。有所遠行勞倦。逢大熱而渴。渴則陽氣內伐。內伐則熱舍於腎。故勞倦內熱者。必及於腎也。至忿怒傷肝動血。保陰六味爲正治之品。以水旺則龍火不炎。而雷火自潛。乃肝腎同治之法也。

宜培脾土

脾胃爲後天之本。飲食多自能化精生血。雖有邪熱。藥得治之。久則

火自降而陰自復。否則脾胃一損。血不生而陰何以配陽耶。故越人亦極歸重之。其言曰。一損肺。二損心。三損脾。四損肝。五損腎。從上而下者。過胃則不治。從下而上者。過脾則不治。又仲景治虛勞。惟用甘藥建立中氣。以生血化精爲復虛勞之良法。又內經曰。陰陽形氣俱不足者。調以甘藥。蓋脾胃之強弱。動關五臟。況土強則金旺。金旺則水充。故治虛勞者。無論何臟致損。皆當以調脾胃爲主。

忌引火歸元

命門之龍火。謂之真陽。如果衰弱。腎中陰盛。龍火不能安其位。浮越于上。而爲上焦假熱。正宜八味之屬引之。若虛勞症。乃腎水真陰虛。

極水不攝火。火因上炎而致。面赤唇紅。口鼻出血。齒痛齒浮。種種上焦虛熱之症。雖亦龍火上炎。與浮陽上泛大異。誤用桂附引火歸元之法。是抱薪救火。上焦愈熱。而欬嗽燥渴。咽痛喉爛諸症至矣。

忌理中溫補

今人不辨虛寒之真實脈症。一見脹滿腹痛。食不消化。腸鳴泄瀉等。便認爲虛寒而投以白朮之香燥。又濟以乾薑之辛熱。不知虛勞之症。患在傷陰。再補其陽。則陽益亢而陰竭益。是促之死也。更有見其脹滿泄瀉。遂引經文清氣在下。則生飧泄。濁氣在上。則生臌脹。而用補中益氣以升清降濁。誤施升柴。反促陰火上逆。以致欬嗽增。吐血。

至而危亡見。

忌參耆助火

肺脈按之虛而不數。肺中不熱。參芪可受。故有土旺生金。弗拘保肺之說。今火已燦金而咳嗽矣。火蒸津液而化爲濃痰矣。君相亢甚而血隨上逆矣。猶引無陽則陰無以生。虛火可補。參芪之屬。大劑投之。因之陽火愈亢而金水益傷。直醫殺之耳。

忌苦寒瀉火

實火爲病。可以苦寒直折之。然須熱去卽止。不可過用。若虛火陰虧。豈知柏苦寒之劑所可清。非惟不能清火熱。抑且有損真陰。徒敗胃。

氣食少泄多。將何療治。甚者見其大便燥結。用硝黃以通之。不知腎主二便。更主精液。腎之精液既竭。自然不能濡潤。滋其陰。潤其燥。而便自通。故士材之論。人徒從其溫補。曷知其深戒苦寒。不可妄用之意哉。

忌二陳消痰

脾濕爲痰。痰滑而易出。或稀如水飲。濕者燥之。半夏爲正治之藥。若陰水不足。陰火上升。肺受火侮。不得清肅下行。由是津液凝濁。不生血而生痰。此當以潤劑滋其陰。使上逆之火。得返其宅。而痰自清矣。二陳豈可輕用。

忌辛劑發散

世之眞陰虛而發熱者十之六七。火逆衝上則頭痕微痛。火升壅肺則鼻塞。陰虛陽陷入裏則洒淅惡寒。陰虛陽無所附則浮越發熱。但發時必在午後。先洒淅惡寒少頃發熱。熱至雞鳴寅卯時盜汗出而身涼。或不微寒而但午後發熱。必現前述腎虛諸症。或兼唇紅顴赤。口渴煩燥。六脈弦數。或虛數無力。此宜大劑補陰。若認爲外感而用風藥以表散之。則魄汗淋漓。諸虛蜂起。或有失血之人。表之無汗。所謂奪血者無汗也。若強發之。血必從口鼻中出。爲下厥上竭之症。難治矣。

服食

宜食之品

吾儕既能確認癆病之根原及治法。對於服食方面。已可得其端覓。凡白花百合湯。麥冬湯。取其清肺止嗽。真玉露霜。取其消痰解熱。人乳爲補陰神品。童便乃降火仙丹。甘梨生食能消火。蒸熟則滋陰。苡仁湯。肺熱脾虛所當用。蓮心芡實遺精泄瀉最宜求。扁豆棗湯專補脾胃。龍眼肉湯兼養心脾。猪脊髓黃魚膠填精益髓。白鴨烏骨雞補陰除蒸。猪肺煎白芨末保肺止血。丸如同生六味。左歸乳金。四聖固本之屬。膏如清寧白鳳。坤髓集靈衛生。瓊玉之屬。或間用湯液以治。